

ديوان

# البشائر

مجموعة شعرية

د. سيد جمعة سلام



مكتبة جزيرة الورد

## بطاقة فهرسة

حقوق الطبع محفوظة

مكتبة جزيرة الورد

اسم الكتاب : ديوان البشائر

المؤلف : د. سيد جمعة سلام

رقم الإيداع : ٢٣٨٩ / ٢٠١١

٢٠١١ الطبعة الأولى



مكتبة جزيرة الورد

القاهرة : ميدان حلبيسم خلف بنك فيصل

ش ٢٦ يوليو من ميدان الأوبرا ت: ٠١٠٠٠٤٠٤٦ - ٢٧٨٢٧٥٧٤

Tokoboko\_ه@yahoo.com

# إهداء

أهدي هذه المجموعة الشعرية ...  
إلى كل مسلم ومسلمة في هذه المعمورة ...  
إلى مهجة قلبي والدتي أطال الله عمرها ...  
إلى روح والدي رحمه الله تعالى ..  
وإلى كل من قرأ ودعا لي بظهر الغيب .

د . سيد جمعه سلام



## المقدمة

كلما قرأت القرآن ووقفت عند معاني الآيات، وكلما قرأت حديث رسول الله ﷺ، علمت يقينا أن هذه الأمة، سيمكن الله لها، فهي أمة منصوره وأن هناك بشائر كثيرة نراها بأم أعيننا الآن لهذا النصر وهذا التمكين، وما علينا إلا أن نتمسك بحبل الله المتين وصراطه المستقيم وهدى سيد الأنبياء والمرسلين، وأن نتعرف على ديننا أكثر وأكثر، وكذلك نطلب العلم من مصدره الصحيح، ونبذ الفرقة والخلاف، ونتعامل مع الاختلاف كما تعامل معه الصحابة والصالحون من قبل.

ولقد وسمت هذه المجموعة الشعرية ب (البشائر) لما بها من إحياءات للمعنى .

وكعادتى مع الإخوة القراء، هناك بعض العناوين بالعربية الفصحى، ولكن الأغلب منها يغلب عليه طابع العامية.

الله أدعوا لى ولكم السداد والهدى والرشاد، وسعادة الدارين .

أمين...

أخوكم

دكتور / سيد جمعه سلام

USA، TX، Dallas

٠٠١(٣١٨)٨٢٨-٥٦٧٨

[Dawah.drsallam@yahoo.com](mailto:Dawah.drsallam@yahoo.com)

[www.sayedjumaa.com](http://www.sayedjumaa.com)



|| ١٨ ||

## مفتاح الجنة

لا إله إلا الله

حق ويقين بلا ارتياب

محمد رسول الله

رجل مهاب

لا إله إلا الله

الشمس والقمر

و الهضاب

فوق الجبل

في الأرض

في السما

فوق السحاب

لا إله إلا الله الرحمن الرحيم

بعطفه على البشر

و برحمته عايشين

الآخرة وفي جنته

تنظر لوجه كريم

رحمن في دنيانا

وفي اخرته رحيم

لا اله الا الله الملك

هو الملك مستغنى

عن سواه

حياتنا وموتنا والكل

في يميناه

محتاج الى ربنا

كل ما عداه

لا اله الا الله القدوس

تقدسست أسماؤه

ومنزه عن العيوب

ولا ليه شبيهه في الخلق

ولا اله محدود

لا إله إلا الله السلام

الخلاص والنجاه

والمحبة للانام

عنوان دين ربنا

عزنا إسلام

والسلامه والسلام

والحصانه والامان

لا إله إلا الله المؤمن

خلق أسباب السعادة

والأمان

للمستجير والى استجار

واستعان

لا إله إلا الله المهيمن

دافع الضر

والبلى

عليم السر

والتجوى

مجيب من دعاه

لا إله إلا الله العزيز

عزيز ربنا حقا

مالنارب سواه

عزيز كل من آمن

وحب الله

وذل العاصي

لا زانه ولا نجاه

لا إله إلا الله الجبار

جبر الكسير

أعطى الفقير أغناه

الأرض في قبضته

و السما في يميناه

لا إله إلا الله المتكبر

العظمة إزاره

منزه وكريم

متكبر متعالى

متفرد وعظيم

لا إله إلا الله الخالق

الموجد والمقدر  
في طوايا العدم  
بمحض الجود والكرم  
بالحكمة والمشية  
أوجد الأشياء

لا إله إلا الله الباريء  
خلق آدم من طين  
سلم من الآفات  
وأبرأ المسكين  
وفي خلقه له آيات

لا إله إلا الله المصور  
في الأرض جبالا  
وأنهارا  
في الأرحام أشكالا  
وأطوارا  
وفي الأخلاق طيبا  
وأشرارا  
سبحانه المصور

جل في علاه

لا إله إلا الله الغفار

ستر في الدنيا

عن زلات

وفي الآخرة غفرها

هناك

وسمى نفسه

غفارا

لا إله إلا الله القهار

غلب وذل

الأشياء

قهر خلقه

بسلطانه

قهر بالموت قهر

بالداء

شيطانك اقهره

ونفسك

ودنيا الشهوه والأهواء

لا إله إلا الله الوهاب

وهب وبدون

حساب

سبحان ربي

وهب

يعطى وبدون

سؤال

المنعم الوهاب

لا إله إلا الله الرزاق

ما في غيره يرزقنا

وهو رب كريم

رزقنا علم وهدى

ومعرفه ويقين

نفتح خزائنه بالصلاه

ونكون من الصابرين

لا إله إلا الله الفتاح

مفاتيح الغيب في ايده

والكلمه كلمته

يفتح للعاصي بابه

ويغفر زلته

ويفتح الأبواب

بالرزق للعباد

وينشر رحمته

لا إله إلا الله العليم

عنده علم الساعة

يعلم ما في الأرحام

يعلم الحقايق

ولا شئ في الكون ده غائب

وأحاط بخلقه كله

وعده على التمام

لا إله إلا الله القابض

قبض الارزاق والنعم

مسبب الاسباب

قبض الأرواح بعدله

ويا النفوس بقهره

قبض الظلال والنور

والظلمه والسحاب

لا إله إلا الله الباسط

بسط الخير على عباده

ويا الفرح والسرور

هو إلى يعطى ويحفظ

ويمنع الشرور

لا إله إلا الله الخافض

أهل المعاصي يذها

والباطل المكسور

إبليس وناسه كلهم

كل شيطان مغرور

اخفض جناحك كن رحيم

وعلى البشر ما تجور

لا إله إلا الله الرافع

رفع السما من غير عمد

رفع الجنان والخور

رفع الصلاح والايان

والحق يعلوه نور

لا إله إلا الله المعز

وهب وعز وغلب

وهو رب غفور

أذل بالمعصية

وأعز كل شكور

لا إله إلا الله المذل

أذل بالمعصية

بالشهوة وبالمال

أذل كل كفور

وكل جبار هلك ذله

ما شاف النور

لا إله إلا الله السميع

يسمع ندانا ودعانا

يسمع لها الأشياء

وهو اجس النفوس

سميع لكل دعاء

لا إله إلا الله البصير  
شوف النظر والعبرة  
في الارض والسماوات  
ربك يراك وبصير  
لجميع الموجودات

لا إله إلا الله الحكيم  
هانت عليك المصائب  
وربك رب حكيم  
حفظك بمنعك للغضب  
وبحكمته علمك  
وسمى نفسه حكيم

لا إله إلا الله العدل  
هو المنزه عن ظلم  
في الاحكام  
خلق السما والارض  
وحقق النظام  
بالظلم راحت دول  
واتنكست أعلام

لا إله إلا الله اللطيف  
في الليلة الظلماء  
على الصخرة الصماء  
يسمع دبيب النذر  
يسمع خرير الماء  
يعلم كل الامور  
ويا الانين والخفاء  
هو الى يلف بنا  
لضعفنا والبكاء

لا إله إلا الله الخبير  
من غير لسانك ما ينطق  
بيعرف الى في قلبك  
أعلم بحال عباده  
في الارض والسماء  
الحاضر والى فات  
والى في الارحام  
والسحاب والغيام  
والحياه والمهات

لا إله إلا الله الحلیم

يعفو عن السيئات  
وان تبنا اليه قبلنا  
واذا عصينا أمهلنا  
يتجاوز الزلات  
ويقرب المسافات

لا إله إلا الله العظيم  
أعظم من كل عظيم  
هو الصمد  
عظيم بمجده وعزه  
واحد أحد

لا إله إلا الله الغفور  
ستر كل العيوب  
غفار للذنوب كثيره  
استغفره هايجبك  
ويبدل الذنوب  
حسنات بس  
أنت توب

لا إله إلا الله الشكور

الشكر من سماته  
اعطى ما تقولش هات  
هايفرحك ويزيدك  
متعدش الحسنات

لا إله إلا الله العلي  
هو العلي في حكمه  
وتعالى جل علاه  
وتنزهت صفاته  
كمال بلا منتهاه  
ربنا فوق كل شيء  
في أرضه وفي سماه

لا إله إلا الله الكبير  
كبير موجود  
قبل الوجود  
أفعاله وصفاته  
على الاطلاق  
في ذاته  
لاشبيهه لمخلوقاته

هو الله الكبير

لا إله إلا الله الحفيظ

صاين ملكه ودايما

محفوظ من الزوال

وحظ العبد منه

يحافظ على الجوارح

والقلب واللسان

من قلنا وقيل وقال

لا إله إلا الله المقيت

بالمعرفة والنور

يا خالق الاقوات

أنت الصمد وخزائنيك

في الارض والسموات

نلجأ إليك نسألك

يا عاطي الحاجات

لا إله إلا الله الحسيب

هو المكافيء والمحاسب

له صفات الكمال  
يكفيها من كل شر  
هو عليه الاتكال  
عاتب نفسك حاسبها  
قبل وقوف السؤال

لا إله إلا الله الجليل  
عزيز عظيم متكبر  
صفاته صفات جلال  
تقدست ذاته  
وحسنت صفاته  
الله رب الجمال  
الله رب الجلال

لا إله إلا الله الكريم  
يعطى من غير سؤال  
يخفي العيوب ويكافي  
رب الكرم وكرمه  
كرمه على غير مثال

لا إله إلا الله الرقيب

محصى العمل والقول

ويكشف السرائر

ويرصد الاحوال

ويعلم الضمائر

هو الرقيب في الكون

لا إله إلا الله المجيب

الحال يضيق على العباد

ويزيد معاه الابتلاء

بالصبر في الضراء

والشكر في السراء

هو مجيب النداء

عنده الدوا والداء

يجب عبده ينادى

ويلح في الدعاء

لا إله إلا الله الواسع

بسط النعم بالجود

و الرحمه والاحسان

ونفعنا بنعمته

ودفع عنا البلا

والشر والشيطان

ارحم تنال رحمته

ويحبك الرحمن

لا إله إلا الله الحكيم

في غاية الاحكام

خلق السما بحكمته

وفي غاية الاتقان

أتمها صنعته

وحقق الايمان

يدخلك جنته

وتشوف بديع حكمته

لا إله إلا الله الودود

في قلوب أوليائك يا الله

أنت الودود

تعفو عن أساء بالمغفرة

وتجود

المؤمن الحقيقي

يجب الخير لغيره  
ويملى قلبه خير  
للناس ومش حسود  
أبدا لا ولا حقود

لا إله إلا الله المجيد  
أفضاله أفعاله  
وجزيل عطائه  
كثير

هو الغنى هو المجيد  
وخزائنه مليانه  
يعطى بدون تقدير

لا إله إلا الله الباعث  
بعث الرسل لعباده  
يهديهم من الضلال  
وقت المحن يغثهم  
من العجز بالرحمات  
يبعثهم من قبورهم  
للعرض والسؤال

لا إله إلا الله الشهيد  
ولا شيء في الكون يغيب  
عنه هو الشهيد  
شهد لذاته في القراءن  
أعظم شهاده بالتوحيد  
نفسك جاهدها واتمنى  
ها تكون قريب منه وحبيب

لا إله إلا الله الحق  
الحق هو الله  
لا وجود للوجود  
إلا به  
الكل هالك الا وجه الله  
مالناش غنى  
عن بابه  
العدل حق ربنا  
وكل من جاء به  
الحق هو الله  
والى معاه الحق  
يقوى ويعلى به

لااله الا الله الوكيل  
توكل عليه يكفيك  
كل الامور في ايده  
هو الحسيب يكفيك  
هو القوي يحميك  
هو الغنى يعطيك  
ولا يقفل في يوم بابه

لا إله إلا الله القوي المتين  
الله قوي هو المتين  
خلق السما والارض  
خلق الحياه والموت  
خلق السنن والفرض  
شديد القوه والقدرة  
وبقدرته عايشين

لا إله إلا الله الولي  
بعنايته يتولانا  
رزاق وخيره كثير  
يرزق ولا ينسانا

قريب منا معانا

ينصر يقهر عدانا

هو القريب ونصير

يحفظنا ويرعانا

لا إله إلا الله الحميد

من الازل الله حميد

الشمس والنور والهوى

الملك ملكه تسأله

يعطى ويزيد

وهب النعم للبشر

جد وحفيد

لا إله إلا الله المحصى

يحصى الظلام والنور

يحصى الرمال والشجر

وبحور مع أنهار

يحصى أعمال عباده

ويعلم الاسرار

ودقائق الامور

وميزان العدل جابه

خلق الجنه والنار

لا إله إلا الله المبدىء

خلق العوالم ربنا

على نسق الكمال

وأظهر الأكوان بكن

على غير مثال

عرشه مجيد

مبدىء معيد

والعجز في حقه محال

لا إله إلا الله المعيد

خلق الحياة والموت

رب الوجود

وكل شىء منه

بدأ وإليه يعود

عليك بذكره وكتر

من السجود

إليه نعود اليه نعود

لا إله إلا الله المحيي  
بالمعرفة يحيى القلوب  
يحيى الجسد والروح تعود  
يحيى العظام ويشدها  
والبذرة في الارض الكئود  
ربنا الله في الوجود  
حي وموجود

لا إله إلا الله المميت  
ربنا خلق الموت  
كتبه على الاحياء  
أما القلب بالغفلة  
كذاك العقل بالشهوة  
كذا الايمان مع الشبهه

لا إله إلا الله الحي  
الباقى حيا بذاته  
وكل حي في الجود  
حيا بملد الحي  
وكل حي سواه

ليس بذاته حي

لا إله إلا الله القيوم

مدبر للكون

وسيد الوجود

فالمؤمن الحقيقي

يسبحه ويمجده

ويطول السجود

ويعبد المعبود

لا إله إلا الله الواجد

الكل إليه محتاج

رب العباد

وهو وحده واجد

نافذ المراد

سعته وغناه ربنا

يلا انتهاء

لا إله إلا الله الماجد

له الكمال المتناهي

وصاحب العز الباهي

يعامل العباد

بالكرم والجود

تباركت يا الله

يا الهى

لا إله إلا الله الواحد

واحد أحد

فرد صمد

لاند له ولا ولد

رب عيسى ومحمد

لا إله إلا الله الصمد

ربك صمد مقصود

نحتاج اليه بوجود

وإذا أردت الصفاء

أكثر من الصيام

واترك معاه تملى

السيء من الكلام

لا إله إلا الله القادر المقتدر

كلاهما قدره  
والمقتدر أبلغ  
يوجد المعدوم  
ويعدم الموجود  
ويصلح الخلاق  
فرض الصلاة والصوم

لا إله إلا الله المقدم المؤخر  
يقدم أوليائه  
يعصمهم من الشيطان  
ويؤخر العقوبه  
ويفتح الجنان

لا إله إلا الله الأول الآخر  
كان الله أولاً  
ولا شيء معه  
باقى سبحانه  
بعد فناء  
الخلق أجمعه

لا إله إلا الله الظاهر الباطن

الله رب واحد  
أظهر علينا نعمته  
محتجب عن  
عيون الخلق  
تجلى في قدرته  
ونشر علينا رحمته

لا إله إلا الله الوالى  
متفرد بالتدبير  
القائم بالابقاء  
الوالى المتعالى  
المالك للأشياء

لا إله إلا الله المتعالى  
متناهى فى علو ذاته  
مستغنى عن كائناته  
لا يجب عبد اختال  
والى نسى ربنا  
سبحانه المتعال

لا إله إلا الله البر

أحسن للسائلين

يحسن العطاء

وأعطى العابدين

جزيل الجزاء

لا يقطع الاحسان

بسبب العصيان

أدم علينا ياربنا

نعمة الايمان

لا إله إلا الله التواب

تاب العبد أناب

عاد بعد غياب

طمعا في الثواب

لربه التواب

ستر في الدنيا ذنبه

وغفر يوم الحساب

لا إله إلا الله المنتقم

قصم ظهور الطغاه

وشدد على العصاه

والعاصي يمهمه

ويمد له الامهال

أبدا لا يهمله

ويعاقبه بالنكال

لا إله إلا الله العفو

عاقنا من شر الناس

من كل وسواس خناس

وأزل ذنوبنا يا الله

من ديوان الكاتبين

وعاقنا واعف عنا

يارب العالمين

لا إله إلا الله الرؤوف

الله الرؤوف

شديد الرحمات

ورغم المعاصي

غفر الزلات

وأعطى النعم

وأنزل البركات

لا إله إلا الله مالك الملك  
مالك الملك والملكوت  
هو الحي الذي لا يموت  
يعز ويذل من يشاء  
ويعطي الملك لمن يشاء  
المتصرف بالأشياء  
بما يشاء وكيف شاء

لا إله إلا الله ذو الجلال والاکرام  
منزه ومنعم  
وله الجلال  
صاحب الاکرام  
له الكمال  
تواضع لله تذلل  
تعرف الاجلال

لا إله إلا الله المقسط  
عادل في الاحكام  
وعنده الميزان  
يحاسب الانسان

فالمؤمن الصدوق

يثقل الميزان

ويرضى الرحمن

لا إله إلا الله الجامع

ثواب وطاعه

انس وجان

سما وأرض

خوف وأمان

متماثل متباين

يوم القيامة يجمع

الاصناف والالوان

لا إله إلا الله الغنى

هو الغنى عن العباد

متفضل ربي ودود

عن كل ما سواه

يجيب من ناداه

مفتقر اليه

كل ما عداه

لا إله إلا الله المغنى

مغنى من يشاء

عطاء وسخاء

فأظهر الفقر

وأحسن العطاء

واسأل الغنى

باعث الارزاق

من الارض والسماء

لا إله إلا الله المانع

يمنع البلايا

حفظا وعنايه

ويمنع العطاء

حماية وابتلاء

عمن يشاء

بيده السعادة

وبيده الشقاء

لا إله إلا الله الضار النافع

بالتقوى والهداية

اسأل ربك معايه  
فوض أمرك اليه  
هو النافع الضار  
عالم الاسرار  
ومقدر الاقدار

لا إله إلا الله النور  
برهان وعرفان  
نور القرءان  
عين البصيرة

يا نور يا الله  
تخرج من تشاء  
من ظلمة العدم  
والشرك والخسران  
الى نور الايمان

لا إله إلا الله الهادي  
هدى الطفل  
لثدى أمه

والنحل برده

بينى بيته

وهدانا لمحاسن

الاعمال

و المذنب هداه

للتوبة والامثال

لا إله إلا الله البديع

أنشأ ملكه

بلا احتذاء

بلا مثيل أو اقتداء

أو أخرا أو ابتداء

فادعوه دوما وأطل

أكثر من الدعاء

لا إله إلا الله الباقي

موصوف بالقدم

أحد بلا ابتداء

موصوف بالبقاء

دوما بلا انتهاء

ويبقى وجهه

باق بلا فناء

لا إله إلا الله الوارث

باقى بعد الفناء

وارث الاشياء

الأرض والسماء

لمن الملك اليوم

يرفع النداء

مات الجميع

وله البقاء

لا إله إلا الله الرشيد

لا سهو ولا إهمال

لاعبث ولا باطل

مدبر مقدر

رشيد فى الافعال

بالغ الحكمة

عظيم متعال

متصف بالكمال

لا إله إلا الله الصبور

الصبر مفتاح الفرج

والى ابتلاه ربنا

فى ماله ولا بالمرض

الصبر فى الدنيا أمان

من غير حساب

ندخل جنان

بالصبر هانول الفرج



|| ٢ |

## رسول الإنسانية

محمد الأمين

حبيب المساكين

رسول الإنسانية

رحمه للعالمين

ولد في مكة

الرسول الأمين

ومات في المدينة

بكاه المؤمنين

الحسن الوضاء

كالشمس كالضياء

حسن الثغر

وأسيل الخدين

رجل الشعر

عظيم المشاش

أكل العينين

واسع الجبين

محمد الأمين

حبيب المساكين

بصق في عين

على فطاب

يكثر قليل الطعام

والشراب

ووحش لآل

رسول الله

يقبل يدبر

حين يلقاه

فرحا بلقيا

رسول الله

وسعد مجاب

له دعواه

لأن النبي

حياه دعاه

وحبر الأمة

عبدالله

صار اماما

يهتدى بهداه

ولما أشار

انشق القمر

وسلم على الحبيب

الحجر

وجاء اليه الشجر

بنداه

وعرض عليه الجمل

شكواه

وحن اليه

الجدع محبة

وسبح الحصى

بين يده

جاءت العوراء

تقول مذمما

وجلس أمامها

ولا تراه

ونام على

في مضجعه

يجب الموت

ويتمناه

وخرج الحبيب

يرمى التراب

على الرؤوس

وكلهم يغشاه

وفي بدر كان المطر

والغمام

وكان النبي يطيل

القيام

ويدعوا الله

وكان الامام

فأمن الله

وثبت الاقدام

فيا سيدي

كم دعوت الله

ولو مرة

أراك بالمنام

فأنت شفيح الورى

في القيام

وحوضك شهد

عليه زحام

فذاك أبى

وأمى حبيبي

أحبك أفديك

سهام اللثام

فأنت القمر

وبدر التهام

وأنت البشاره

رسول الاماره

رؤوف رحيم

محب السلام

سلام عليك

رسول الله

وصلوات ربي

على الدوام



|| ٣ |

## حياة السعداء

قالوا السعادة في الفسح  
ويا السفر ومعاه فانوس  
عفريته يطلع بالهبر مع ست حلوه  
جنبها قنطار فلوس  
ولا بأغانى مشخلعه لو حده ساقطه  
مهكعه و مولعه  
حجرين ومحتاجه الغموس  
وكأنها شمس الشموس

لا دالسعادة إنك تكون راضى  
وما تبصش وراك  
هى السعاده إنك تحب الله  
تحس أنه معاك

أيوه السعاده أنك  
تفك القلب من اوجاعه

فضيها كوبيتك  
وروق الدماغ وصداعه

واوعى تكون الراس  
عشان تعرف تنام  
هاتلاقى الكل حبك  
ومعك على الدوام

السعادة إنك تكون مع ربنا  
يارادته وبانتظام

إنك تكون انسان فطن زكى  
مش والسلام؟  
ماترحش أيامك فى هم وخوف  
ولا عشق وغرام

خليك ايجابى فى دينتك  
هى السراب سليبتك  
ها توقفك وتشكك  
ها تعيشك أوهام

وأوعى تكون إسفنجه

تاخذ كل شى

سمك لبن على تمر هندی

وكأنه مافى شى

ولا تكون إمعة

ما تعرف أى شى

إحفظ أوامر ربنا

فى كل شى

لا تخلى حب الدنيا همك

ولا تنام والنفس مهمومة

عش وابتسم خلى ابتسامتك

على الخد مرسومة

وأوعى تعكر دمك

ولا تهاب من ذمك

مفتاح سعادتك يابنى

إنك؟

حاسبها نفسك يسعدك ربي  
ويكفي همك

لا تخلي يا بني الندل يوم  
ييصق في فمك

واياك تكون من الى يكفر أو يعفر  
أو دا فنك

وسطية الاسلام يا بني  
روحك ويا دمك

الدين جميل ماتصعبوش ماتشو هوش  
متحزبوش أجيال  
ها تيجي تاخدها عنك

وخلى كل الناس تحبك  
ويا خالك ويا عمك

كل السعاده في حبههم  
أبوك وأمك

هي السعادة أنك تحب ربنا  
حب النبي مع صحبته  
وهي برده باتباع هدى النبي  
مع محبة سنته

برده السعادة إنك تكون إنسان  
بسيط ومث شيطان

المختصر إن السعادة في كلمتين  
تقوى وإيمان

لا في جمع مال ولا ذهب  
ولا حتى في النسوان



|| ٤ |

## البشائر

رغم الأسى والظلم  
والطغيان  
والناس في دنيا الهوى  
وصحبة الشيطان  
شفنا بريق النور  
وصحوة الاسلام

ومهما طال الليل  
يجي الضحى والنور  
والشمس تصحى  
والحقيقة تبان

إسلامنا حق ونور  
ومش كلام في سطور

إسلامنا مش ارباب

ولا شيطان كذاب

حضارة عاليه وتاريخنا

عظيم ومهاب

إسلامنا نور ربنا

وعزنا وفخرنا

إسلامنا دين ربنا

وقمرنا وشمسنا

راح تعرفوا أننا أمة

رجال يا شباب

حتى أسألوا سلمان

ولا أسألوا خباب

شفنا البشائر كلها

صوت في كل مكان

عالي ومأذن توحد الديان

على كل شبر  
في أرض ربي أدان

وناس بتسجد وتركع  
ترتل القرءان

وبكل لون ولسان  
على الخيول فرسان

اسلامنا للعالمين  
للكل انس وجان

شفنا دعاة في الغرب  
والحق له عنوان

الكل زى النحل نشيط  
ومش كسلان

يبني فنار للدين  
ويعمره باحسان

اسلامنا لنا كلنا  
اسلام لكل زمان

اسلامنا بالتكبير  
ها يعرفه الانسان  
إسلامنا حق وقوه  
وسلام ونور وأمان



|| ٥١

## الذجال

قرينا في التفاسير  
عن اصله وملته

وعرفنا أنه حقير  
إرهابي في حنته

في الشام هناك مطلعته  
وكمان هناك خرجته

كل نبي أو رسول  
حذر جماعته فنتته

كل الشرور والكفر  
ها نشفها يوم طلعتته

حتى عمر خاف

لما عرف محتته

قام النبي طمنه وأنا بينكم  
لأها أكتبه

يا ما كثير من البشر  
ها يسلكوا سكته

أغلبهم الستات  
ها يدوبوا في محبته

بعرف كثير أمثاله  
في شكله وفي هيئته

كذب ودجل ونفاق  
وكأنها سحتته  
بيننا غريب وخفي  
لكن زرع زرعتة

معرفش فين تليفونه  
ولا حتى فين شقتة

سنة وشهور في الأرض  
يلفها بصنعته

عند المدينة ومكة  
يقف يشوف ذلته

ها يورى ناسه المعجزات  
ويدعى نبوته

ينادى فيهم بالاله  
ويوريهم قوته

يزرع ويقلع  
وناره دى جتته

وبعد فساده في البلاد  
وسطوته

يخرج عليه  
عيسى المسيح يشتهه

وبسيفه عند اللد

ينزل فشته

أعور بينادي أنا الاله

ياخبته ياكسفته

الكفر فوق راسه

ويين عنيه كلمته

اوعى تلاحقه

أوتشرب في يوم ميته

وعليك بسورة الكهف

تسهل عليك وقفته



|| ٦١

## الدنيا مش آخرتك

عايش حياتك فى التوهان

عايشها فى النسيان

عايش حياتك بلا انسان

عايشها فى الأكفان

هاتهرب؟

رايح فىن من ضميرك؟

إنت نسيت الطريق

ولا فقدت مسيرك؟

إنت نسيت آخرتك

ووقفتك ومصيرك؟

الدنيا مش آخرتك

ولا سكتك يا جبان

تسرق وتنهب وتظلم

وتحارب الرحمن

وسجنت ناس أبرياء

في السجن يا سجان

إرحم دا فوق ربنا

يقدر عليك يحسبك

وإذا كنت تقدر على الضعيف

بقدرته ينسبك

وفي دنيتك تنهان

وفي آخرتك يكسبك

مين انت من فرعون؟

مين انت من هامان؟

ولا قارون بشوته

كان عبره للثقلان

عوزك تبص في مخلوقات ربك

في كل مكان

إنت ايه في السما والبحار

ولا في الاكوان

بس نقطه في بحرها

مسكين يا انسان

انت نسيت الطريق

ولا فقدت مسيرك؟

انت نسيت آخرتك

ووقفك ومصيرك؟

خليك بسيط وبلاش غرور

وتعالى في مشيتك

واوعى الشيطان يضحك عليك

وتنسى يوم وقفك

يوم المعاد يوم التناد

ها تطول هناك حسرتك

يومها تشوف ذلتك في آخرتك

تنشف هناك دمعتك

اوعى ورد المظالم  
واعرفها فين سكتك

قوله يا الله عبدك  
وتاب ارحمه عبدك وديرحتك



|| ٧١ ||

## طاعة ربنا

هي الحياة مزرعه

عطرها بالاحسان

ملك الجوارح طهره

وتنوره تنعان

وصلاتي فرضي النور

ودرب أمان

والصدقة حسنه

والدليل برهان

تمسحها دمعة

محرومين

تطعم فقير

عدمان

والصبر مفتاح الفرج  
ونصفه للايان

قراءه ربي دستور  
لكل زمان

يهديك ينور دنيتك في الزحمه  
والتوهان

ويذكرك آخرتك  
وهناك تلاقى جنان

يشفع اليك النبي  
ويعزك الرحمن

اوعى في يوم تمشى فيها  
سكة الشيطان

وابعد بعيد وجافها  
صحة الخسران

احنا بشر ربنا خلق  
لنا الاكوان

وقال لنا نعبده الكل  
انس وجان

خليها طاعة ربنا  
نبراس ولك عنوان



|| ٨ |

## فاكره يامه

فاكره يامه لما كنا  
نروح الغيط  
ونعد ستابل القمح  
لحد البيت

رغم التعب والعرق  
وحر الشمس  
أيامنا كانت  
حلوه يامه  
فاكره يامه السهر  
في ليالي الشتا

وكلنا سوى أبدا  
ماعمرى نسيت  
ليتها تعود وأعود  
ياريت ياريت

لسه فاكر بيتنا  
والفسحه الكبيره هناك  
لسه برده مستنيه  
ولا مليتى وانا مليت  
على فكره يامه خايف  
أوى عرفه ليه؟

أصل ملامحى اتغيرت  
ونقولى مش عرفاك  
الشعر كله شاب  
انتى عرفه انا طولت هناك

كبرت يامه  
وانتى كمان أكيد كبرتى  
هى كذا الغربه  
يامه - غربه - تاخذ وبس  
سرقىت أيا منا أحلامنا  
ويا ما بكينا وشكيت

كل مره امشى

يامه غضبن عني  
وكل ما امشى  
تقولى روح وهاستناك  
المره دى طالت  
غيبتها بس لأما نسيت

لسه يامه مستنيه  
أنا كمان مستنى؟  
أرجع واعدود للوطن  
واتمنى يوم لقياك

أنا لسه فاكر كل الناس  
جيرانى وأهلى كلهم  
خايف يامه يكونوا  
نسيونى مش مشكله  
الناس الطيبين عرفهم  
الى كبرت فى وسطهم

مش مشكله بس يشوفونى  
يامه ماشى معاك

هايعرفونى يامه ويقولوا ياه  
زمان بنستناك

الدم عمره ما يبقى مايه  
ولا الاصيل شكاك

إنتى أمى ومصر أمى يامه  
وظلى وسكنى

الله لا يورك يامه جفا الناس  
ولا قساوة الغربه

نفسى أعود  
ويعود كل غريب عن وطنى

دى ناس حسالة بشر  
- فيهم التنظيف سفناك  
دى مش بلدنا يامه

دى كلها صيادين وشباك

عرفك قلتك تعالى  
ويا ما نديتك أنا ابنك ويستناك

قلتي لا طيارة ايه امريكا لا  
لا يمكن اروح هناك

لا يا بنى أموت في مصر  
ويكون لي فيها تربه  
خلاص يامه ها ارجعلك

ولا يهكم كفايه شتات  
وانسى يامه بلا أمريكا  
بلا هم بلا غربه



|| ٩ |

## الاقى زيك فين يا أمى

أمى يا أمى يا أطيب قلب  
يا كل الحب يا حبيبه

لفيت الدنيا شرق وغرب  
لا لقيت فى طبيتك وحنانك

أنتى حبيبتى وقلبك طيب  
قلبك منى تملى قريب  
عايشه وهمك هو همى

الاقى زيك فين يا أمى  
أمى يا أمى يا أطيب قلب  
يا كل الحب يا حبيبه

جنة ربنا عند أقدامك  
ربنا حبك علامقامك

أُمى يا شجرة ورد وحب

أشوفك ربنا زانك

أشوفك شمس بتنور

تدفينى فى أحضانك

يا ما علشانى نسيتى راحتك

ولقيتك مش عايشه عشانك

عايشه عشانى ومن نفسك

أعطيتى كثير من أيامك

لفيت الدنيا شرق وغرب

لا لقيت فى طبيبتك وحنانك

عايشه وهمك هو همى

الاقى زيك فىن يا أمى

يا أغلى وأحلى الناس فى

زمان - راح الحب ملهشى مكان

أنتى الحب وياما ضحيتى

ولسه بتعطى كمان وكمان

ياما أسيتى ويا ما نسيتى

وياما سهرتى ليالى زمان

عائشه وهمك هو همى

الاقى زيك فين يا أمى

أمى يا أمى يا أطيب قلب

يا كل الحب يا حبيبه

لفيت الدنيا شرق وغرب

لا لقيت فى طبيتك وحنانك

عائشه وهمك هو همى

الاقى زيك فين يا أمى



|| ١٠١ ||

## عالم ضايح بلا إسلام

مالك مالك يا إنسان  
تظلم في أخيك الإنسان

هو في عرف الناس  
في زمننا الرحمة حرام؟

ولا في عرف الناس  
في زمننا ضاع الاحسان

عالم عايش في التوهان  
عالم ضايح بلا اسلام

بتشوف النار وقتنا بل  
والموت في كل مكان

ليه بلا رحمة يا إنسان

خليت الدنيا ما فيها أمان؟

فيها رصاص وخناجر  
فيها سمك في البحر صغير  
فيها دموع وأهات وحيثان

فيها أسود وقرود وشيطان  
عالم عايش في التوهان  
عالم ضايح بلا إسلام

خليت الميه مش ميه  
والشمس الساطعة مخفيه

خليت الهوا والنور دخان  
مالك مالك يا انسان

تظلم في أخيك الانسان  
ليه تتناسى انك انسان

ولا نسيتهها حلال وحرام

ولا تقولى ضميرك نام

ولا تقولى انك سكران

ولا تقولى بقيت حيوان

وفى غابة نسيت الانسان

ليه ربك خلقتك وأعطاك

سخرلك كل الآكوان

وبعقلك زانك وهداك

وبعلمك سهاك انسان

إرجع تانى شوف المعانى

لربك وأقرأ القرءان

عالم عايش فى التوهان

عالم ضايح بلا اسلام



|| ١١١ ||

## لا تعاتب

تسامحني وأسامحك نتسامح  
ننساها بكره وننسى امبارح  
لا تعاتب ولا ينفع للوم  
خليك طيب مش جارح

ننسى الذكرى المره هناك  
وتاخذني بالمره معاك

لا تعاتب ولا ينفع للوم  
خليك طيب واتسامح

تسامحني وأسامحك نتسامح  
ننساها بكره وننسى امبارح

ليه نتخاصم أونزعل  
أو ننصب لبعض شباك

ليه نخلى الدنيا تفرقنا  
ونزرع بين وردنا أشواك

نزرع قلب ورد وحب  
وبسمه تدوب كل ما فات

ليه تخلى أيامنا الحلوه  
دموع وأنين وأهات وسكات

تساعحنى وأساعحك نتسامح  
ننساه بكره وننسى امبارح

لاتعاتب ولاينفع للوم  
خليك طيب مش جارح



|| ١٢١ ||

## إتعلم

بعث النبي ربنا عشان

يعلمنا مكارم الأخلاق

ومصالح العباد والداء

معاه دواء

الرحمة والتواضع والصدق

والأمانة والعفة والسخاء

ويعلي همتك ويعلمك القناعة

والصبر والحياء

ابعد عن الرزالة والجبن

والدناءة ومعاهم السفاله

وإياك تكون سقيه

طايش صاحب بذاء

وريح النفوس من الغدر

والخيانة والكذب والنفاق

إتعلم إنك أنت تبقى

عضو في جسد  
العين هي اللي تبصر  
والرجل تمشي بيها  
وإذا كان العكس يا بني  
يبقى الكون دا فسد  
ولا تلوم إلى يأكل الملح  
عشان عطشان  
ولا اللي يشرب مايه  
عشان لا ينام جعان  
الطب للطبيب الصحفي  
للصحافة والفتوى للفقير  
وإلا الأمة ها تفضل جاهله  
وعايشه في التيه  
واتعلم التروي والحلم  
والإيثار قرءانك لا تجافيه  
مش عاوز إمشي  
هوي واعرف إنك سفيه



|| ١٣ ||

## حوار الطرشان

ليه قافل الطرق  
حرب وخصام وعناد

وبين عنيك ١١ وإيدك  
على الزناد

تشرق ليه وتغرب  
افتح حوار وجرب

ربك عمل حوار  
مع ابليس الكذاب

سهلها ياعم تسهل  
وأكيد هتلاقى باب

غيرك اسمع له تملى  
ومعاه شارك وساهم

عينك دايا في عينه  
أكيد راح تبقى فاهم

لو واحد مش بيسمع  
مربوط في حبل أعمى

لا الأعمى رح يشوفه  
ولا هوها يسمعه

اتنين متعلمين  
لابسين متهيئين

كلام سب وشتايم  
قاعد بينهم شيطان

حوارهم بس عامل  
زى حوار الطرشان

مولع الحوار وكأته  
ياناس مجاهد

واتنين لابسين عمائم  
واحد منهم كان نايم

بيحاور بس نفسه  
والثاني كان مع نفسه

واتغير المسار  
وطال الانتظار  
والعالم كله شاهد



|| ١٤ |

## شبابك يا مصر

شفت شاب وهو شب ودينته  
تقوى وإيمان

شاب مصرى يفرحك  
وكأنه من الجنة وهمام

عاش فى امريكا واوربا  
ما انحنى ولادينه لان

يملك الدنيا فلوس  
وجاه وعلو شان

شفته فى الجامع بيدعى  
ربنا ويستعان

أخطب الجمعة فى الوف  
وكل ما عينى تشوفه

يفرح له قلبي  
واحس بالأمان

علم وفضيلة وتربية  
وهو حسن من حسان

أشرح علوم الدين  
وهو يحيى يسألني كمان

تعيش في أميركا ومصر  
ولا حتى في اليابان

ولا حتى تعيش في مكة  
ولا في جنوب السودان

المهم انك تخاف ربك  
وتحسن زرعتك

واوعى تزرعها  
في أرض بور

أوعى تعيش مع الى  
عوزه زفة وصولجان

أما الأصيلة الطيبة  
كلها حب وحنان

ربنا يحمى شباب مصر  
الحبيبة على الدوام

وأشوفها دايمًا دار سلام  
أمن وأمان



|| ١٥١ ||

## فيه حاجة غلط؟

لما يقوى القوى  
على الضعيف وبذله  
والدكتور لما يكشف  
على المريض ويشله  
والمفتى لما يفتى  
للى بيسأل ويضله  
فيه حاجة غلط

وأما المال صاحبه يشكى  
ويمشى تحت ظله  
والطيب قالوا أهبل  
ولعرضه استحلوا  
وحرام وحللوه  
وحلالنا صار محله  
والبستان خربوه  
مات ورده ويا فله

فيه حاجه غلط

والجاهل لما يمشى  
منقوش والناس تجله  
ولا حمار المزابل  
مختال والواد كأنه  
مافيش زيه فى جماله  
حتى ولا صغر سنه  
والزوجه تذل زوجها  
وتشوف بعينها ذله  
فيه حاجه غلط

العدل راح والحق  
الناس صارت تملة  
والظلم غطى الأرض  
إيه للانسان فاضله؟  
وإذا شفت ضميرك نام  
قوم اصرخ وقوله  
فيه حاجه غلط



|| ١٦١ ||

## الأركان

دين الله هو الاسلام  
بناه ربنا على أركان  
نسخ الله به الأديان

خمس أركان معدوده  
أولها الشهادتان

الله واحد لا اثنان  
خضعت له كل الأكوان

ومحمد عظيم الشأن  
رسول الله الى الأنام

ثانيها صلاة مفروضه  
ركن ركين في الاسلام

خمس هن وبياتقان

بين الكفر والايان

معراج أمن وأمان

ثالثها زكاة مفروضة

بينها الله لثمان

ينمو المال بالاحسان

هكذا يرضى الرحمن

رابعها فرض الصيام

نفحات من رحمة ربي

وبخير رحيم منان

الصوم يزكى الإنسان

ويطهره من أدران

الناس تسبح وتمجد

وتصلى لرب الأكوان

بقيام وتهجد تركع

تسجد وترتل قرءان

في الجنة أبواب تفتح  
للصائم باب الريان

خامسها الحج كذا فرض  
قبلتنا الكعبة عنوان

فهناك قلوب مشتاقه  
ووجوه يعلوها النور

ونداها سؤال الغفران  
وزيارة أحمد نرجوها  
ونزور هناك الشيخان

ست أركان الايمان  
بينها ربي وأبان

نؤمن بالله الخلاق  
خلق الانس وكذا الجنان

وملائكة الله كرام  
ليسوا كجن او انسان

الكل بأمر الله يقوم  
لكل تفصيل وبيان

الكتب كذلك أنزلها  
زبور قد أنزل حكما

وكذا التوراة على موسى  
وكذا الانجيل على عيسى  
أما محمد فالقرءان

فلنؤمن بالكتب جميعا  
بلا حقد ولا نكران

والرسل جميعا قد بعثوا  
بهداية خلق الرحمن

لائالئ الله ولا ائنان  
بل توحيد للديان  
جميعا قد نادوا إسلام

السعادة أن تصدق بالقضا

ففى السعادة والشقا خيران

شكرا وصبرا هكذا الايمان

كن للقدر مسلما مستسلما

ركن قوى من الاركان

وكذاك نؤمن بالقيامة بعدما

ندفن وتأكلنا الديدان

وكذاك نبعث للحساب وانه

نار تلتظى أو رياض جنان

عددتها خمس من الاركان

وكذاك ست قواعد الايمان



|| ١٧ ||

## يا ذرة مكنونة

ربنا فرض الحجاب عشانك  
يادره مكنونه

وحفظك ربنا وصانك  
من فتنه ملعونه

لا مش تظني إنك حبيسه في يوم  
ولا مدفونه

او عى الشيطان يضحك عليكى  
بفكره مشبومه

واوعى يابنتى تفرطى في حجابك  
ولا تبقى طائشه في دينتك  
ولا تبقى مجنونه

وتلاقي نفسك في الهوى تايهه

وحياتك بس مهمومه

حريتك شخصيتك وإيمانك

وهويتك في عزتك اسلامك

ويا الحياء مع الصلاة وعفتك

وتقوى الله هي رسالتك وعنوانك

يا أم الجمال الرباني حافظي عليه

ويا الحجاب يرضى عليكى ربنا

ويرضى عليه

ويفتح الابواب اليكى ويرحمك

يوم ما تلاقيه



|| ١٨ ||

## الداعية المطاردة

طريق الدعوة

مش مفروش بالورود

ضربوا النبي في مكة

قالوا مجنون وساحر

ولا عمره اذى بشر

ولا عمره كان حقوق

سدوا الطرق كلها

وكتروا السدود

ولا الطائف بحالها

ستاتها ويا عيالها

خرجوا على الجانبين

وحذفوه بالطوب

مشى النبي ييكي

والدم في قدميه

لقى نفسه في جنينه

والدنيا ضايقه عليه

يبكى ويقول يارب

أنا همى دعوتك

أنا هنت على البشر

وضعفت قوتى

وأنت قوى وموجود

هاجر الصحابه هجرتين

للحبشه مره

والمدينة والخلق شايفه

والملايكه شهود

تركوا الوطن والأهل

والدنيا وراهم

وهمهم دين ربنا

والجنة والخلود

أما النبى ربنا أسراه

وسرى عنه

وعلى البراق طوفه  
السموات والوجود

الجنه شافها

وشاف النار وحراسها  
والانبياء شافهم  
والملايكة وفود

هاجر النبي للمدينه

وفي مسجده  
كانوا الصحابه سجد

يسبحوا الرحمن

الى نصرهم عزهم  
وفتح لهم المداين  
قصة نجاح وصمود

وانهارده الدعوه بنشوفها

في كل مكان

بس الى حامل

شعلة الايمان

يتحمل الى هايجري

باطبط زي زمان

في الطريق هايشوف كتير

زي النمرود

المنافق والمرائي والى عقله

مش مريحه

والى قلبه خراب

ثعبان حسود

والى شيبه والى عتبه

والى حمالة الحطب

وأبوجهل مع الوليد

كلها غابة أسود

نفسى أقولك اصبر

طريق الدعوة

مش مفروش بالورود



|| ١٩ ||

## يا بلادي

اتبسمت وهي زعلانة

هنا وهناك متبعتره

مش عايشه قلقانه

أولادها شتتوها فرقوها ضيعوها

ويعصرها الألم ولا عمرها تنسى

بتشتكى همها بعتاب مع همسه

قالوا فراعنه و مصرنا فرعنوها

الشام أرضها جزؤوها وفتتوها

والخليج أبعدها وخليجوها

والمغرب والجزائر والتونسه

إتفرنسوا وراحت عليهم

إترسمت واتقسمت زى ما رسموها

متغريين متشتتين متفرقين

ليه يا اولادى أنا أمكم وبحبكم  
أنا أمكم يا أولادى ومن سنين  
عليكو بنادى

هنا أختكم مصر الكبيره  
بتحبكم بتقولكم مدوا الأيادى  
ونادوا فى كل نادى

بالوحده والمحبة  
وشمسنا شمسكم  
وبلادكوا هى بلادى



|| ٢٠١ ||

## يوم

هي كذا الدنيا تعاند فينا  
ولسه برده فأنحين لها الأبواب

يوم تضايقنا ويوم تراضينا  
ونفرقنا ويوم تلاقينا  
واقفين على الأعتاب

ويقوم بنلاقي نفسنا متغربين  
عائشين ما فيش أحباب

ويوم بنلاقي السما سوده  
حياتنا سراب في سراب

ويوم بنلاقي نفسنا  
عائشين أمل كداب

ويوم نلاقي السما مفتوحه  
وترشرش علينا الخير

ومن غير أسباب

ويوم نلاقى نفسنا طيرين  
فوق السحاب

ويوم نلاقى حباينا  
ولمة الأحباب

ويونلاقى نفسنا والكل غايب  
عايشين عيشة أغراب

هي كذا الدنيا تفرحنا وتجرح  
من غير عتاب

يومها كذا نتحمله نستقبله  
ونقول يارب سهله

وارض علينا في أوله  
وفي آخره تسعدنا

تفرح قلبنا بمحبتك لنا  
تغفر لنا يوم الحساب

## الست العواصف

الست عواصف ربح صواريخ  
وكأنها ما بتعرفشى محال  
زعايب أمشير بتزعيب

الست عواطف أصدى عواصف  
شايه الدنيا بعيونها  
وعايشه حياتها وعال العال

وبتتايل وبتتحايل وبتتخايل  
كله حياتها خيال

والست عواطف على التليفون  
مع صاحبيتها ما ففتشى سؤال  
تغتاب وتنم على الارضى

ولا رحمت حتى النقال

وساعات ولا خلت ولا وحده

ولاسابت حد في حبتها

الا أما جابت في سيرتها

على طول وتنتف فروتها

بس تخلص من قصتها

تقولك يا أختي حرام

من قلنا وقال

الست عواطف عوزه فلوس

رايحه وجايه على البقال

ولا الصالونات والديسكوهات

ومعاها سواق دايا شغال

ما بتهمدشي ولا ترتاح يوم

عائشه حياتها تأرجل على طول

ونفسها شديد ولا مية عتال

الست حفاتف فافي أوى

بنجورها جنان بردونها كمان

وتقولك ايه سيلتوبليه وكأنها  
تفصيله فرنساوى يا بيه

ماشيه ولا بسه التنوره  
وكأئها بنت صغوره  
خمسه فى واحد ايه عصنوره  
ومعاها شنطه وكاميرا وصوره

ما بلاش خيابتك وجنانك  
لا تكونى عواصف ولا حاجه  
خليكى عواطف بحنانك

ده حياتك والله زانك  
ويطاعتك لله ودوامك  
وصلاتك وهداك وصيامك

وحجابك زيتتك وسلامك  
ها تكونى مرتاحة البال  
يا عواطف



|| ٢٢ ||

## كلام الله

شمسى ونورى هدايه

قمرى ونيلي سايه

حبي وقلبي هوايه

قرءان ربي كلامه معايه

ليلي نهاري ضحايه

أعطش هو ندايه

فلي ووردى شذايه

قرءان ربي كلامه معايه

فرحى وقدرى هنايه

والنصر على عدايه

ظلى ورحتى شفايه

قرءان ربي كلامه معايه

أملى وكل منايه

هو الجنة معايه

ومن النار لي حمايه

قرءان ربي كلامه معايه

يغفر لنا ربنا وكفايه

يشفع لنا في النهايه

يرضى علينا ويمحو خطايه

قرءان ربي كلامه معايا



|| ٢٣ |

## وجوه مسلمة

دفتر وصوره وكتاب  
صورلى أحلى شباب  
بنشوف وجوه مسلمه  
متفائله متبسمه

فى الجامعه والمدرسه  
شايه حقوق ربنا  
أجيال ومتعلمه

بتقرأ القرآن  
وتصلى للرحمن  
ويترفع الاذان  
بيقين فوق السحاب

ياشمسنا يا فخر أمتنا  
يا إيانا وبيدنا  
هانلاقى عزتنا

والفقرا نحس بيهم

ودايا بنوا سيهم

ومعاهم ونلاقيهم

إحسان على كل باب

طول ما أنت على بابه

هاتكون من احبابه

يرعاك ويسدك

يهديك ويرشدك

ريك يصوبك

أبدا لا يبعذك

طول ما أنت على بابه

يفتح لك الابواب

دفتر وصوره وكتاب

صور لي أحلى شباب

دفتر وصوره وكتاب

|| ٢٤ ||

## خطط حياتك

خطط حياتك أوقف سكاتك  
واوعى الشيطان يضحك عليك  
عمرك يضيع من بين ايديك  
يشربك أوهام ويأكلك أحلام  
ويهمشك في الظل  
يسهرك لا تنام  
خطط حياتك واعرف أنت  
هاتعمل ايه

وسيبك أنت من الفشل  
وازاي وليه  
اووعى تكون زى ريشه  
في مهب الريح

لا عرفه ريجه فين  
ولا حتى جايه منين

متعلقه متشعلقه ضايعه

وسط الزحام

لا فكره ولا الهام

راح تكتر الاحزان

والسماها تشوفها سوده

والليل يطول والنهار

ما بيان

وغربتك تقتل طموحك

والفشل عنوان

خطط حياتك أوقف سكاتك

واوعى الشيطان يضحك عليك

عمرك يضيع من بين اديك

وسط السكات والصمت

ودموع الالهات

دنيا الشتات ودنيا

## الهم والأوهام

خطط حياتك واحفظ صلاتك  
شمسك هاتطلع تجمع شتاتك

على غيرك انسى الاتكال  
وبلاش بقه كتر السؤال  
خلي اتكالك علي مولاك  
وهتبقى عال

واوعى تسوف او تقول  
بكره احتمال  
خطط حياتك وقول يارب  
هايكرمك  
ولا فيه آهات وانسى المحال



|| ٢٥ ||

## حب الأئمة واجب

الدعوة مش وظيفه

دي عمل الأنبياء

ولا هي وجهه

ولا حتى كمان رياء

الدعوة دي أمانه

عمل فيه اصطفاء

الدعوة دي إخلاص

خالص وبدون رياء

دعاه حاملين أمانه

ينادو بالإسلام

بالتقوى قول معانا

والصبر والإحسان

ينادوا للفضيله  
والصفح والغفران  
ربي يبارك خطاكم

ويسددكم عشان  
يهدي أهل الرزيلة  
والدنيا والشيطان

حب الأئمة واجب  
وظاهر للعيان

ونحترم وجودهم  
زي أيام زمان

حماة الشرع دول  
أهل الدين والقرآن

لحوموهم المسمومة  
من الغيبة والبهتان

والعقوبة معلومة

بالهم والحرمان

إياك تمد إيدك

بالإعتداء عليهم

أو تظهر النقصان

إياك تسد طريقهم

بالقوة والعدوان

إرفع إيدك معاهم

وحقق الأمان

إرفع راية الهدايه

بالحق والإيمان

دين الوسطية حكمه

ومعاها اتزان

ربك عليم وحكيم

ربك عظيم الشأن

|| ٢٦ |

## البسلم الشافي

حب النبي محمد  
البسلم الشافي

وشربه من إيده  
من الكوثر الصافي

تكفيك هناك ترويك  
ترويك يروح العطش  
من بعدها وكافي

والنهر في الجنة  
لمحمد المصطفى  
من ربنا منه

والى وراه اقتفى  
قرءان مع السنه

البلم الشافى

من العسل أألى

ومن اللبن أصفى

البلم الشافى

أكواب يمين وشمال

من الذهب والفضه

هاتشوف كل الجمال

الناس هناك واقفه

وعلى الوجوه بسمه

دايمه ومش طافيه

والنور هناك وافى

أب النبى محمد

البلم الشافى



|| ٢٧ |

## داء الأمة

أهل الفساد والشر

في أمتي داء

كثرت قد انتشروا

كالملح في الماء

ذوقونا مرار الفتنة

والجهالة والذل والعداء

ظلموا الأصيل الحر

وقطعوه أشلاء

العالم الى تلا

رسالة الساء

والى اتكلم كلام

كلام فيه البذاء

عن الصحابة وقال

جماعة القراء

عند الطعام كثير

مع العدو جنباء

ربك من فوق تعالى

بعث آيات بتتلى

أنه بالكفر بآء

بنشوف اليوم وبكره

إلى يقول في الدعاه

كلام فحش وهجاء

مرض القلوب خطير

وخصوصا النفاق

محتاج لمعالجه خاصه

بالقرءان للشفاء

محتاج لكثير دواء  
ونصوب الخطأ ونوقف  
الوباء ونعالج البلاء

خير اللباس التقوى  
تور وهدايه وضياء

وبدونها تلاقى نفسك  
واقف وفي العراء

نعالج الى جاهل  
وننشر المحبة  
والخير ويا الصفاء

ونربط الحزام  
ونلجم اللسان

ونسأل الرحمن

التوبه والغفران

العالم الربانى

والتاجر الحقانى

والجاهل الشيطانى

والى يغش وأنانى

اثنين فى ميزان الحق

أبدا لا مش سواء



|| ٢٨ ||

## مولاي

مولاي قد نامت عيون  
وأنت الحى والقيوم

بذاتك قمت على الكون  
وأنت ياربى خالق النوم  
تقول للشئء كن فيكون

مولاي قد غارت نجوم  
والليل أغشاه السكون  
وأنت الحى والقيوم

ليل نهار يتعاقبان  
شمس قمر  
يسبحان ويسبحان

رب عظيم خالق

الأكوان

فرد صمد خالق

الثقلان

الكل في طاعته

راكون

ساجدون يمجدون

ويخضعون

الكل في قبضته

أرواحنا

أفراحنا أتراحنا

والمنون

ربي أرح قلوبنا

وأنم الهى

أعيننا قد أرقت

وقد جفا

النوم الجفون

واغفر يا رب ذنوبنا

واستر

إلهي عيوبنا فكم وكم

وقفت على أعتابكم

تبكي عيون

يا سائلا عن سائل

أو نائب

مستنفر مستغفر

من سيد

عبد أتيتك يا إلهي

مسترهما

فامنحني يا ربى

هداك ورحمة

تسرى بقلبي تمحو

همى والشجون

كلما صبح تنفس

أبواب الجنة

أو تفتح ورد

أبواب الجنة

فوق الغصون

أبواب الجنة

أو غرد الطير

أبواب الجنة

وسبح كلما

أبواب الجنة

سبح المسبحون

أبواب الجنة

إلهي وسيدى ومولاي

أبواب الجنة

عبد أتك وأنت السيد

أبواب الجنة

أبواب الجنة

لولاك ما كنا ولا كان

أبواب الجنة

الأمان وأمن الآمنون

أبواب الجنة



أبواب الجنة

أبواب الجنة

أبواب الجنة

أبواب الجنة

أبواب الجنة

أبواب الجنة

|| ٢٩ ||

الله

الله الله الله

ما لنا رب سواه

فرد أحد عدل صمد

لا إله إلا الله

خلق السماء بلا عمد

وشق في الأرض النواة

الله الله الله

مالنا رب سواه

النور يأتي والظلام

والكون ربي قد ملك

والقمر نور للأنام

أرض تدور في الفلك

والطير في أعشاشها

والأسد في أوكارها

والشمس ضوء في الفضا

كل إلهي قد خلق

بطريقه كل سلك

آيات ربي كثيرة

عظيمة في الآفاق

الله الله الله

مالنا رب سواه

في النفس نلمح قدرة

العين ملح مائها

والفم عذب سلسبيل

الكل في الرأس معا

والكل يعمل باتفاق

عجب عجاب لو ترى

سبحان ربي الخلاق

الله الله الله

مالنا رب سواه

فرد أحد عدل صمد

لا إله إلا الله

دل العباد عليه

في كل الوجود

والكل محتاج إليه

الواحد المعبود

وخزائن الله لديه

للمخلوقات يجود

الله الله الله

مالنا رب سواة فرض

فرد أحد عدل صمد

لا إله إلا الله

|| ٣٠ |

## أوجاع

أوجعنا كترت والجسد  
ماعتش حاسس بالألم  
والدم في عروقنا فسد

وحياتنا مره والأهم  
وسوقنا بين الناس كسد  
ومالنا قيمه في الأمم

تعب الجسد تعب شديدا  
حتى اللسان صار من حديد  
إحساسه راح منه بعيد

ينادى يصرخ من جديد  
وصوته في حلقه وبس

يا أمتي شايفك غريبه

متفرقه متبعثه ومتوجعه

إبنك حزين ومش سعيد

هو البكا عمره يفيد

بين النيل والفرات

أوجاع كثير وأهات

بتمر هناك ساعات

هم وحزن وسكات

الناس مبلمه متلجمه

واحد معاه دستة عيال

عاشين وبس على الفتات

عمال بيجرى ورا الرغيف

وياريتته سالم من الحصى

ولا التراب ولا العاهات

حجات كثير متحمصه

يدخل سنانك تشتغل  
طبله ومزيكا ونايات

والتانى بيربى فى بغال  
الجهل سيدهم والفلوس  
متلتله رزم الوقات

وأخينا سكران ومش  
فارقه معاه كل الحياه  
بس عايش فى الخنا

خمر وكاسات طبل  
وصابجات ورقاصات

ولسه بتقولى حضاره  
دى السفاله والمراره  
بس مرفوع لها رايات

فين الخوالد والصوالح  
والى للعز والمجد يعيد

والرازي فين مع ابن رشد  
ولا ابن سينا فين وفين  
هو فارسنا الجديد

بص في القنوات وشوف  
ولا الكتب نطبع الوف  
هي البرامج ايه غير

بنت حلوه تفسر الاحلام  
وطبيخ وحظ تقول  
وتزيد وفي الآخر نشيد

نشيد الجهل والفرقه  
وذبح العلم والتبديد

فحالة أمتي صعبه  
في الانعاش الامها يزيد  
وأنا بنادى أصرخ وأعيد

تعالوا ننادى بالوحده

تفردت في هذا العالم

بمخترتك العجائب

فأنت يا ربنا

أنت يا ربنا أنت

على الإسلام بلا تشديد

دين الحب والألفه

يلاملنا شيوخ وحفيد

ويمسح دمعة الحره

ويصبح جرحنا ذكرى

ونسلم كل يوم بشرى

تفرحنا شموع العز

وهاتنور ليالينا بلا أوجاع

وتعل شمس أيامنا

وتصبح عيد



|| ٣١ ||

## جنة الخلد

هي جنة الخلد التي  
طابت لأهل الصدق والإيمان

هي جنة المأوى التي  
بها النعيم ليس بفان

أنهارها عسل مصفى واللبن  
والماء والخمر والولدان

أبوابها حق ثمانية أتت  
باب الجهاد كذا الصلاة  
ويدعى الصوم بالريان

مفتاحها التوحيد والمفتاح  
لايفتح إلا مع الأسنان

أبدا ولست بداخل

إلا بإذن الواحد الديان

أعمارهم ألوانهم قاماتهم  
أوصافهم كملت دونها نقصان

هذا وأمة أحمد بالسبق تعرف  
عند دخولهم لجنان

بناؤها ذهب كذا مع فضة  
وكلاهما نوعان مختلفان

حسباؤها أرضها وخيامها  
كل هي صنعة الرحمن

أشجارها وطيب ثمارها  
كذا الظلال تروح الأبدان

كذا سماع الحور والألحان  
والصوت يطرب الأذنان والأغصان

أما الطعام فلهم طير ناعم

وفواكه شتى وخمر والنسا  
بلذة كملت لأهل التقوى والإيمان

هذا وخاتمة النعيم خلودهم  
لا موت فيها ولا سقم  
ولا كدر ولا أحزان

واعلم بأن غراسها التسبيح  
والتحميد والتهليل والتكبير  
وكذا التوحيد للرحمن

وكذا المزيد هناك فوز ثان  
بعد الرضى فى حضرة الرحمن  
مناديا وقائلا يابن فلان

هل تذكر اليوم الذي  
بارزتنى بالذنب والعصيان

فيقول يارب لقد نلت  
الرضا منك مع الغفران

ذاك الجنان وذاك طريقها

فإذا أردت فقدم الأثنان

وأعلم بأن المهر معروفا كما

أن العروس سلعة الرحمن

فاسلك طريق الحق دوما إنه

هدى النبي محمد كذا

القيام بحضرة القرآن.



|| ٢٢ ||

## مصر المحروسة

مصر يا قاهره يا مصر النيل  
يا حضارة وتاريخ وغنى ومواويل  
كل الدنيا شايفة ولادك

هم سلاحك هم عتادك  
نار تكوي وتحرق حسادك  
أبطال رجالة رافعين راسك

أولادك يا حبيبي يا غالية  
رسموا لنا البسمة علي وجوهنا  
واللي يجبك يدخل دارك

وطريقة طريقك وخيارك  
بسلام وأمان يا أم احبابك  
على صخرة مصر المحروسة  
تتحطم كل الأحقاد

وهنرسم على خدك بوسة  
وهنرجع تاني وتنعاد  
أيام النصر يا منصوره

بجنودك خير الأجناد  
ربنا باركك في القران  
الكل يحبك ويحملك

أهرامك والسد ونيلك  
وبندعينك كل أذان  
يا جميلة يا أم الأوطان



|| ٣٣ ||

## سبحانك

سبحانك سبحانك

خلقت كل البشر

سماك وأرضك والشجر

في الكون ده عبره ومعتبر

يا نفسي أمعني النظر

سبحانك سبحانك

الله جميل خلق الجمال

هو الغني عن السؤال

والعجز في أمره محال

موصوف تعالى بالكمال

واللي في إيديه سهل المثال

بطاعته ودعاه في السحر

سبحانك سبحانك

يا رب شمسك والقمر

برد وشتا صيف ولا حر

الكل ماشي بمستقر

وكل شئ عنده بقدر

رب خلق كل الوجود

سبحانك سبحانك



|| ٤ ||

## إيه يا زكية

إيه يا زكية يا بنت بهانه  
حالك ليه مقلوب ويانه  
سمعا كلامنا ومش سمعانه

عمال على بطل نرفوزه  
شايل طاجن ستو وزعلانه  
إسمك ليه منه بتتعري  
مالها زكية ومالها بهانه

ليه مش عايشه حياة أهالينا  
شايفه السما سوده وزهقانه  
لازم كط وجينز مئمط  
والتاتو وسلسله ولبانه

ما بلاش فط ونط وشط  
يا زكية جمالك وحلاكي

إنك تعرف في ليه خلقانه

إيه يا زكيه ما تهدي يا بت  
مالك خاييه ومش عجبانه  
عيشي حياة ناسنا وأهالينا

عيشي وخدي منا واديننا  
هتحيبنا وتحيي لقانه

وانسي اللي تقصر تنوره  
والي حياتها أغاني ولبانه  
لبسه ومش لبسه وفضحانه

إياكي تنسي إنك إنسانه  
إنتي فهمتي رسالتي يا بتتي  
إنتي زكيه أكيد فهمانه



|| ٣٥ |

## الشيخ جوجل

يا اللي قرئتوا معايا كتاب  
من الجامعه لحد الكتاب  
ومشينا وديان وشعاب  
للعلم نفتح أبواب

شوفنا شيخ والله نصاب  
تسأله ديبا يعطي جواب  
بس تقوله علي العنوان

يعرف أحاديث ويا القرآن  
وتلاقي جيبه كتير مليون  
ويلملم من كل مكان

من اللي لابس والعريان  
لا بيعرف أصل ولا أصول  
وفتاوى شيع مش معقول

شويه يخرج أحاديث  
وشويه تلاقيه مسطول

ويغني ويرقص ويقول  
أنا شيخ قيمه وشيخ شملول

شوفنا كتير وبالشيوخ جوجول  
ولا مكسوف ولا حتى خجول

يتكلم في الدين وكأنه  
القرضاوي ولا الشعراوي  
وتالتهم الشيخ زغلول

وتلاقي واحد واقف يخطب  
وتقوله مين شيخك يا بني  
أنا شيخي مافيش زيه يقولك

شيخ رباني كمان بهلول  
تعبان عقله وواد مقبول  
وتفهمه وتقوله ياإبني

إزاي نسر يساوي غراب  
إنسأه خالص سبيك منه  
عرفه إنه الدين مش تين

ينفع يخلق لك نجار  
ولا تخيط بالمنشار  
يعمل عمليه الجزار

جوجل مفتي كثير ولا همه  
على جنه نروح ولا النار

ولامعروف جده ولا هزار  
انسأه خالص وابعد عنه

جوجل ده أولاده كثير  
علمهم نصب وتزوير

علمهم بردوا التكفير  
علمهم لبس الطراطير

منهم واحد يقرأ شويه

يعرف أبيه ولا وحديث

يلبس توب عالم وكأنه

الألباني ولا ابن نفيس

يا خساره مش عارف إنه

شيخه جاهل وبدون تأسيس

وبيتعالم أصله خسيس

ممکن يعمل لك فوازير

طبق اليوم شربة عصافير

طبقين محشى بالمنابير

انما يفتى ويعمل شيخ

لا دا حرام وعليه كثير

خاف ربك الدين مش لعبه

ولا وجهه وكلام تخييص

متظنش إنك ماجور

تكذب وتلف وتدور

والنبي قال مقعده في النار

اللي يبلغ عنه وعارف

إن كلامه كذب وزور

جوجل إيه بلا خيبه ثقيله

العلم دا هدايه ونور

أصله بحور في بحور وبحور

مش من جوجل ولا من ياهو

هو الجهل بعلم حد

ولا الظلمه تطلع نور؟



|| ٣٦ ||

## قص ولزق؟!

أنا في السفر شوفت عجب

كنت راجع من رسيدا

سفر طويل راكب الهوا

قعدت بجنبي في الطريق

بنت على الكرسي سوا

وكلها على بعضها حاجه

تقول غريبه

قامت وقالت بعلو صوتها

إزيك انت منين يا عم؟

على فين طريقك وشغلك إيه؟

وكلام كثير وإزاي وليه

أسمع واطنش وتقول في إيه؟

شوفت معاها قلم وفرشه ومرايا

وحاجات كتيرة أوي أصباغ وألوان

وقصه وحكاية

وشوفت كام علبة دوا

شوفت الضوافر والرموش

وشع غريب ماتفهموش

نمت وخلص وقولت يلا

ياما وياما الدنيا فيها

ياعم سيد طنش ونام

بعدين معاك ونشوف تاليها

ساعتين وقومت صحيت

وعن يميني بصيت

وفجأة هناك لقيت واحده

مش نفسها ولا هو ده رسمها

عدسات ورموش في عنيها

تاتو في كتفها وإيديها

كلها كده قص ولزق

بتقولي مش عارفني

جاوبت بلا وهي

تقول بردو لاطفني

معلى أصلي جاهل

يمكن عاوز علام

ما فهمش في الدهان

والدوكو واللحام وشغلات النسوان

أيووووووووووووووووووه

هي اللي تمشي مهربده

لبسه ومش لبسه كده

وكأنها في سوق النخاسه

ولا تفهم الا في التياسه

وحياتها مليانه تعاسه

يا بنتي مالك فكري

إتعلمي واتزكري

كل كرامتك في الحجاب إستري

ومن هواكى والشيطان اتحري

بالعفه والطهاره إتورى

غضي البصر صلي وصومي

ونوري عنيكى بر كعتين

بالليل تصليهم تقومي

هتلاقى بعد الظلمه نور

ملكه تكونى يخدمك غلمان و حور

واقفه كده مع نفسك اتذكري وفكري

وقرري

هتلاقى نفسك.... ولا عمرك أبدا راح

تخسري

|| ٣٧ ||

## ليه تتكبر؟!

ليه كرشك أكبر من راسك  
عد لعشرة وخذ أنفاسك  
بعرف أصلك أنا وأساسك

ليه تتكبر أهلك ناسك  
وكان الدنيا ما فيها غيرك  
وينعرف شرك من خيرك

مالك كده شكل المصروع  
مغرور وفي نفسك مخدوع  
أصلها شبعه من بعد جوع

عندك صعر وماشي بجنيك  
والكل معاكسك ومعاندك  
ولا حد في الدنيا يساندك

على ايه ماشي ونافخ نفسك

لو دبانه في عينك هتعاكسك

إحنا اولاد حوامع آدم

وما فيش حد أحسن من حد

كلنا كده من مايه وطين

ولاها نعمل مش فاهمين

ما بلاش جزر معانا ومد

وبلاش تتكبر على الناس

وأعطي وخذ وانسى الوسواس

إبليس ربنا طرده احتاس

لما اتكبر شرب الكاس

كاس المر ونار ومذله

وكفايه أنه اتحرم الجنه

اللي إتكبر والخناس

تحت رجول الناس ينداس

ما بلاش تتكبر وتشد

ولبابك تقفل وتسد

هاتعيش وحداني وتعد

في الايام راح تنسى الود

ولا ينفع عمك ولا جد

ليه منكوس إحساسك راح

وضميرك مات والأفراح

وحياتك مليانه جراح

خليك طيب وأعطي براح

الكل يجبك ترتاح



|| ٣٨ ||

## أستغفر الله

أستغفر الله العظيم  
من كل ذنب وأذنبته  
من كل فرض وتركته  
من كل إنسان وظلمته

أستغفر الله العظيم  
من كل ظالم وصاحبه  
من كل ناصح وأهنته  
من كل محمود وسئمه

أستغفر الله العظيم  
من كل حق وضيعته  
من كل باطل وتبعته  
من كل وقت وأهدرته

أستغفر الله العظيم

من كل وعد وأخلفته  
من كل صواب وكتمته  
من كل عرض وهتكته

أستغفر الله العظيم  
كل ستر وفضحته من  
من كل لغو وسمعته  
من كل إثم وفعلته

أستغفر الله العظيم  
من كل ظن ولازمته  
من كل شك وأطعته  
من كل ضلال وعرفته

أستغفر الله العظيم  
من كل ضمير وقتلته  
من كل سر وأفشيته  
من كل أمين وخدعته

أستغفر الله العظيم

|| ٣٩ ||

## ليه الحسد ؟

جبال كبيرة نشوفها أصلها  
من الحصى والذر  
وبحار كثيره من حبات المطر

النار أصلها من مستصغر الشرر  
العين دي حق وربنا حذر  
من حاسد حسد وأسر

ليه الحسد ليه يا بشر  
هو الحسد إيه الا شر  
تتذي أخوك ليه الضرر

بعنيك تحلي الحلو مر  
وبتعترض على اللي أمر  
اللي خلق كل البشر

إبليس على كبره أصر

لما حسد عصى وكفر  
وقابيل حسد قتل وفر  
وشال أخوه سكة سفر  
وشاف غراب بيحفر حفر  
شاف خيته ولنفسه نهر

حقد وحسد ليل وسهر  
ليل وظلام ومافيش قمر  
حقد وحسد ظلم وقهر

على الى حسد خد الصبر  
طريق اليك مع كل بر  
وبلاش طريق حاسد فجر

النار بتاكل بعضها  
لو كان ما فيش عشب وشجر



|| ٤٠ ||

## دنيا العجايب

دنيا و فيها العجايب

رجاله ستات

أولاد وبنات

والكل سايب

مات الحيا منهم

تشوف بس المعايب

وحده بترقص بطنها

باينه بتدلح

حولها شله بهلونات

وكل واحد هيولع

ترقص تغني وبتوعظ

عن المنكر ونكير

وكمآن لابسه ومش لابسه

انا عقلي خلاص هايطير

يا خيبه حاظه معاها وكسه

ده كلام كده ولا في الاساطير

وتشوف حاجات كده بلا تعليق

واقف كده وصدرك هايضيق

واحد عجوز عاكس واحده

حتى الشباب واحده بواحد

عاملين كامين قافلين طريق

يصطادوا فيهم بالواحد

وبنات ألوف لا مش واحده

طباع غريبه ومياله

علي طول يعاكسوا الرجاله

بحاجات قويه وقتاله

ومثلهم الأعلى حساله

هيفا وإلisa على عجاله

إوعى الشيطان يضحك عليك

ويغيرك

وكل ماتشوفه عنيك

يبعترك

ولا هواك تمشي وراه

يجيرك

والدنيا وما فيها تغير

منظرك

عشق النسا هيعذبك

ويسهرك

أكل الحرام هيسممك

وفي نار جهنم

يدحرك

بس افكر يوم ما هتنزل  
منزلك

وابنك هناك في حفرة  
راح ينزلك

وهناك ملايكة تسألك  
وذنوب كتيره تحذلك  
والى نسى ربه هلك

واللى في طريق الخير  
سلك

في النور حياته وما هلك  
بالرحمة يتاديه الملك

ويقوله أهلا منزلك

روضه وحوور وكثير عطور  
ربك هناك كل النعيم يشيلك

وتلاقى بعد الظلمه نور  
رحمة هناك تستقبلك

|| ٤١ ||

## ليه تغتاب

ليه تتكلم ليه تغتاب  
ليه بتسب وليه عياب  
ترضى الناس تتكلم عنك

ولاينم عليك كذاب  
اللي تحبه لنفسك برده  
حبه لغيرك سد ابواب

أبواب مفتوحه علي الغير  
أبواب شر ومنع الخير  
وإذا شوفت فلان مره  
بيغتَاب

قوله حرام غيبه وبهتان  
لحم الميت أكله حرام

وإذا كان الميت إنسان

بين ضرسك وانياب و سنان  
لحم و دم يا كالح بان

وإذا ظل يعيد ويزيد  
قوله

امشى وسبيه  
وقوله سلام



|| ٤٢ ||

## الإرهاب

إرهاب إرهاب على الأعتاب  
قاتل مرعب إرهاب كذاب

تتعصر وتقوي مسالم  
وتسب الناس وتقول عالم  
النبي عمره ما كان سباب

ومثقف عمال تتعامل  
وبترسم أخلاق ومكارم

مقالات بتكتب ومظالم  
والدنيا ماليها الإرهاب

قالوا الإرهاب دين الإسلام  
إسلامنا سلام ومحبه ياناس  
والعدل فيه حجر الأساس

دين الإسلام حرم وأبان

قتل الإنسان

دين الرحمة وسلام وأمان

مش دين إرهاب ولا تدفع كام

كل الأديان قالوا ده حرام

قتل الإنسان

حتى الإسلام رحم الحيوان

واللي حبسه بين القطبان

داق النار ويا الحرمان

واللي سقت كلب وعطشان

ربي رحما اعطاها أمان

بالمغفرة ورياض وجنان

دم المسلم عرضه حرام

ولا كتابي بعهد أمان

فكر كثر في الإمعان

وتواضع خليك حساس

زي الشمس وحب الناس

مش إرهابي شيطان غضبان

قوموا ياناس حاربوا الإرهاب

أطفال ونساء

رجال وياشباب

الإرهاب ده دمار وفساد

يأجوج مأجوج

ويا النمروذ

قنابل صواريخ

طايهه مع الريح

قتلوا اصحبنا

مع الاحباب

إرهاب كداب

دى قلوب ماتت  
دى ضباع وذئاب

ولا يمشي معاها  
ملام وعتاب

قوموا ياناس  
حاربوا الإرهاب



||٤٣||

## إصبر

إصبر فإن الصبر جنة  
للصابرين هناك جنة

إصبر على الطاعة وكن  
عبدا بحق لا مظنة

وقم لربك في الصلاة  
خلف الإمام مكبرا

وللزكاة مؤديا صوما  
وحجا للمناسك في تامة

وإصبر على بلواك  
مثل أيوب الذي  
كان مثالا للأئمة

إصبر فإن الله يرحم عبده

فهو الرحيم وللذنوب مكفرا

وإصبر عن الذنب فإن

الذنب يوم الدين علة

وللشيطان قل لا ألف لا

دنياك والنفس كذا

الشهوات والشبهات

وحل مذلة

واعلم بأن القلب

رخال ولا يبقى محله

فتن الليالي علي القلوب

أشد من وقع الأسته

إصبر فإن الصبر جنة

للصابرين هناك جنة

واسأل الله الثبات

وقل يارب هداك أرجو  
ودخول جنات النعيم

فاصبر فإن الصبر جنة  
للصابرين هناك جنة



|| ٤٤ |

## ياللي بنيت الأهرامات

ياللي بنيت الأهرامات  
أوعى تقول القطر فات

اسمعي بس وخذ وهات  
مرت كتير معاك أزمات

أنا عارف إن البحر صار بركان  
وعارف إن الشمس غابت

والقمر في سمانا ماله مكان  
وعارف إن اليوم كتر واقف على الجدران

ودموع يتامى تعبانين شقيانين  
عاشين على الحرمان

وكرت الأحزان وطول السجنان

سكاينه مسنونه ومحضر الأكفان

يا مصري قوم بتناديك مصرك  
أمشي بقوة كن فارس عصرك

أوعى تقول إن الغلا عصرك  
قوم حاصر اللي في يوم حصرك

وإرسم لمصر في أرضها قصرك  
يا مصري قوم أقف بلاش تنطيط

إرسم حياتك وأعرف التخطيط  
لا القعدة على القهوة هتنفع ولا  
الرشوة والتزوير ولا السرقة مع التشفيط

إرسم حياتك وابني كمان هرم رابع  
واوعى نخلي الندل يفكرك غبي وعبيط

يا مصري مين إنت ومين أجدادك  
مصطفى كامل وسعد وعرابي

تاريخ طويل يحكي بفخر أمجادك  
مصر للإسلام للعروبة لأولادك

يا مصري أوعى تخلي مع اللثيم زادك  
هيدهلك ويزلزلك ويعلى باستكراذك

يا مصري قوم لمصرك ربنا في عونك  
بقوته وبهمتك راح تنمحي همومك

يا مصري قوم يا أسد  
وأحفظ مكانتك أفتح أبوابك

للنصر في حطين وأكتوبر  
زلزل الأرض تحت حسادك

يا مصري أنت كبير مع الأيام  
كبير بعلمك وإيمانك علمهم لأحفادك

عاش في أمن ربنا الرحمن  
وميتك نيلك مية من الجنان

قوم يا أسد اصحى من نومك  
لا تطول الغيبة وفرحنا بقدمك

قوم يا أسد وارفح الأعلام  
يا مصر يا أمنا اهديكي  
عمرى وحياتي وفرحتي

يا مصر يا مصرنا اهديكي  
دمي وإرادتي ومهجتي

يا نور منور طريقي وخطوتي  
يا مصري قوم لمصرك ربنا في عونك  
بقوته وبهمتكم تنمحي همومك

يا مصري قوم بتناديك مصرك  
إمشي بقوة وكن فارس عصرك



فهرس القصائد

الصفحة	الموضوع
٣	إهداء
٥	المقدمة
٧	١- مفتاح الجنة
٤٤	٢- رسول الإنسانية
٥٠	٣- حياة السعداء
٥٥	٤- البشائر
٥٩	٥- الدجال
٦٣	٦- الدنيا مش أخرتك
٦٧	٧- طاعة ربنا
٧٠	٨- فآكره يامه
٧٥	٩- ألاقى زيك فىن يا أمى
٧٨	١٠- عالم ضابغ بلا إسلام
٨١	١١- لاتعائب
٨٣	١٢- إتعلم
٨٥	١٣- حوار الطرشان
٨٨	١٤- شبابك يا مصر
٩١	١٥- فىه حاجة غلط؟
٩٣	١٦- الأركان
٩٨	١٧- يا درة مكنونة

۷۸- ۱۳۱	۱۷۱
۸۸- ۱۳۱	۷۰۱
۷۸- ۱۳۱	۳۰۱
۵۸- ۱۳۱	۶۳۱
۳۸- ۱۳۱	۸۳۱
۴۸- ۱۳۱	۵۳۱
۸۸- ۱۳۱	۸۳۱
۱۸- ۱۳۱	۶۸۱
۰۸- ۱۳۱	۳۸۱
۶۸- ۱۳۱	۱۸۱
۷۸- ۱۳۱	۸۸۱
۸۸- ۱۳۱	۸۸۱
۷۸- ۱۳۱	۱۸۱
۵۸- ۱۳۱	۷۱۱
۳۸- ۱۳۱	۵۱۱
۴۸- ۱۳۱	۸۱۱
۶۸- ۱۳۱	۱۱۱
۱۸- ۱۳۱	۷۰۱
۰۸- ۱۳۱	۷۰۱
۶۱- ۱۳۱	۳۰۱
۷۱- ۱۳۱	۰۰۱

الاصحاح

الاصحاح

الصفحة	الموضوع
١٦٣	٣٩- ليه الحسد؟
١٦٥	٤٠- دنيا العجايب
١٦٩	٤١- ليه تفتاب
١٧١	٤٢- الإرهاب
١٧٥	٤٣- اصبر
١٧٨	٤٤- ياللي بنيت الأهرامات
١٨٢	الفهرس

